



საქართველოს მთავრობის დადგენილება

№ 441 2019 წლის 4 სექტემბერი ქ. თბილისი

„სპეციალური საწარმოს სტატუსის მაძიებელი პირისთვის საქართველოს
ოკუპირებულ ტერიტორიებზე საქმიანობის განსახორციელებლად
სპეციალური თანხმობის გაცემის წესის დამტკიცების შესახებ“ საქართველოს
მთავრობის 2019 წლის 5 აპრილის №186 დადგენილებაში ცვლილების
შეტანის თაობაზე

მუხლი 1. „ნორმატიული აქტების შესახებ“ საქართველოს ორგანული
კანონის მე-20 მუხლის მე-4 პუნქტის შესაბამისად, „სპეციალური საწარმოს
სტატუსის მაძიებელი პირისთვის საქართველოს ოკუპირებულ
ტერიტორიებზე საქმიანობის განსახორციელებლად სპეციალური
თანხმობის გაცემის წესის დამტკიცების შესახებ“ საქართველოს მთავრობის
2019 წლის 5 აპრილის №186 დადგენილებაში (www.matsne.gov.ge,
11/04/2019, 010080000.10.003.021201) შეტანილ იქნეს ცვლილება და
დადგენილებით დამტკიცებული წესის:

1. მე-2 მუხლის მე-3 პუნქტის „ა“ ქვეპუნქტი ჩამოყალიბდეს შემდეგი
რედაქციით:

„ა) საქართველოს ოკუპირებულ ტერიტორიაზე წარმოშობილი ან წარმოებული საქართველოს კანონმდებლობით ნებადართული საქონლის, საქართველოს ოკუპირებული ტერიტორიიდან საქართველოს სხვა ტერიტორიაზე მიწოდება ან/და საქართველოს ტერიტორიიდან (გარდა საქართველოს ოკუპირებული ტერიტორიისა) კანონის შესაბამისად ექსპორტის პროცედურაში მოქცევა;“.

2. მე-3 მუხლის პირველი პუნქტის „ვ“ ქვეპუნქტი ჩამოყალიბდეს შემდეგი რედაქციით:

„ვ) თანხმობა მასზედ, რომ იგი თანახმაა მის შესახებ საგადასახადო და საბაჟო ორგანოების ხელთ არსებული ინფორმაციის ამ წესის მე-4 მუხლის პირველი და მე-5 პუნქტებით გათვალისწინებული პირებისთვის გადაცემაზე;“.

მუხლი 2. დადგენილება ამოქმედდეს 2019 წლის 1 სექტემბრიდან.

პირველი ვიცე-პრემიერი



გიორგი გახარია